



A tirin Thu a awm,
Thu chu Pathian hnenah a awm,
Thu chu Pathian a ni.
Chu mi chu a tirin Pathian hnenah a awm,
Engkim a zain ama siam a ni;
thilsiam zawng zawng hi ama siam loh engmah
a awm lo.

Amahah chuan nunna a awm,
chu nunna chu mihringte enna a ni a.
Eng chu thim zingah a lo eng a;
thimin chu chu a hre lo.

Johana 1:1

Hapta 1 na : AMAH CHU THU A NI.

Johana 1:1,2 “A tîrin Thu a awm, Thu chu Pathian hnênah a awm, Thu chu Pathian a ni. Chu mi chu a tîrin Pathian hnênah a awm.”

Tun karah hian Isua danglamna leh chatuan a awm tur a nih thu kan en ho ang.

Hapta 2 na : AMAH CHU SIAMTU A NI.

Johana 1:3 “Engkim a zain ama siam a ni; thilsiam zawng zawng hi ama siam loh eng mah a awm lo.”

Tun karah hian leilung leh van boruak zau tak a Isua thiltihtheihna mak tak leh thuneihna ropui tak te, thilsiam te atanga a chungnunia lanna te tarlan a ni.

Hapta 3 na : AMAH CHU NUNNA A NI

Johana 1:4 “Amahah chuan nunna a awm; chu nunna chu mihringte êna a ni a.”

Tun karah hian Isua chu nunna petu leh enkawltu a nihzia te, Amah ringtu apiangte tana Thlarau pawlna leh chatuan nunna petu a nih chu kan enho ang.

Hapta 4 na : AMAH CHU ENG A NI

Johana 1:5 “Êng chu thim zîngah a lo êng a; thimin chu chu a hre lo.”

Tun karah hian Lal Isua êng thlen tu a nihna te, sual thimna tibotu a nihna kan enho ang.

CHRISTMAS NI :AMAH CHU IMANUELA

Johana 1:14 “Tîn, Thu chu tisaah a lo chang a, kan zîngah a awm ta a (Pa fa mal neih ropui angin a ropuizia kan hmu), khawngaih leh thutakin a khat.”

Vawiinah hian, Isua Kristaa Pathian inpuannawna te, Pathian awmpuina kan chan te leh Isua pianna kaltlanga Pathian chatuan thutiam hlenchhuah a a awmna te kan lawm a ni.



“A tîrin Thu a awm, Thu chu Pathian hnênah a awm,
Thu chu Pathian a ni. Chu mi chu a tîrin Pathian hnênah
a awm.”

Johana 1:1,2

AMAH CHU THU A NI

Johana 1:1-2, Johana 1:11, Johana 8:58

“A tîrin Thu a awm, Thu chu Pathian hnênah a awm, Thu chu Pathian a ni. Chu mi chu a tîrin Pathian hnênah a awm.” Johana 1:1,2

Advent chawlhkar, Lal Isua Krista piancham lo thleng tur atana kan inbuatsaih lai leh nghakhlel taka kan thlir a, kan thinlung te Krismas atana a inpuahchah mek lai hian Johana 1:1,2 hian Pathian chatuan thil tum leh Lal Isua, kan hnena rawn chenga chu chatuan atan a nihzia te min kawhhmuh a ni.

Judate chuan Messia lo kal tur chu an nghak a. Mahse, a lo kal meuh chuan, sawi lawk ang ngeiin anni chuan Isua chu Messia a ni tih an lo hrelo a ni : “Ama mite hnênah a lo kal a, ama miten an lo lâwm si lo.”

JOHANA 1:11

Chanchintha bu li te leh Isua an tarlan dan kan en hian, uhmasa pathumte hian thawnthu ngaihnaawm tak angin min chhawpchhuahsak a. Matthaia hian thlahtu bul chhuiin, Isua chu lal Davida ah chhui lutin Abrahamama hmingin bul a tan a ni. Marka hian Baptistu Johana thuhiril hmangin Isua min kawhhmuh a. Luka erawh chuan hun thui tak chhuiin Elizabethi leh Zakaria te, Baptistu Johana pian tur hirhlawkna in bultanna a siam a ni. Mahse, Johana erawh chuan danglam takin Isua min hmehhriattir a. Kan ngaihtuah let theih tawpah bultanin, khawvel siam a nih hma a tarlang : “A tîrin Thu a awm, Thu chu Pathian hnênah a awm, Thu chu Pathian a ni. Chu mi chu a tîrin Pathian hnênah a awm”, tiin.

Johana hian Isua chu Chatuan Pathian Fapa a nih zia te, leia a lo pian hma hauh a a awm tawh thu te leh Pa Pathian nen an intluktlang tih kan hriat theih nan thilsiam hun hmalamah min kirpui a ni.

Isua chu Chatuan Thu Nung, a tir atanga awm tawh, thilsiam hmasak a nih avang ni lova Amah Chatuan a nihna zawk kan hmu a. Amah chu Pathian a ni a, Pathian kan hnena awm a ni bawk. Johana 8:58 ah chuan, Johana hian Isua tawngkam ngei, “...Abrahama awm hma pawhin ka awm”, tih thu hi a tarlang a ni.

He Chatuan Thu Nung, Pathian hnena awm a Pathian ni bawk hian, he kan khawvelah hian nausen anga lo lut a thlang a. Pathian, Thu -a chuan thu in min din a, kan zinga cheng a, keimahni ang ni turin a lo kal a ni.

Commissioner Keith Conrad

Chuvangin, he Advent, Lal Isua
pianna hmuak tura kan awm
mek lai hian, Isua, Thu leh thu
veka min dintu hian, kuminah
hian eng angin nge i nunah thu
i sawitir ang le?

Lalpa duhtak, i Fapa he khawvela a lo pianna lawm tura inbuatsaihna
hun kan lo thleng ta a. Awma, a bul leh a tawp Isu, kan chawimawi che
a, i hmangaihna ropui tak avangte leh kan hnena ilo chen avang te in
lawmthu kan hrilh a che. He Advent chawlhkarah hian i lamah min hip
hnai la, he Krismas hun, i hmangaihna tawp neilo kan lawm mek lai
hian nangmah chawisang a chibai buk turin min luahkhat ang che.

Amen



‘Engkim a zain ama siam a ni; thilsiam zawng zawng hi
ama siam loh engmah a awm lo.’

Johana 1:3

ISUA HI NUNNA A NI

Johana 1:4; 1 Chronicles 16:32 & Luka 3:4

‘Amahah chuan nunna a awm; chu nunna chu mihringte ênna a ni a’ (Johana 1:4)

Ka bul tanna chu a lai laklawhah emaw a tawp lamah pawh a ni thei a. Ka awm hmain a awm tawh a, ka hnulamah pawh ala awm zel dawn.

Pathian ruahmanna kal mekah, chung thil engkimah, chu Pathian ruahmanna ropui takah chuan ka tel ve a ni. Chatuan mi thlirna tlang atanga kan thil thlir dan alo zauh a, hun zawng zawng leh hmun tin kan thlirnaah chuan chu nun chu kan ta alo ni ta a ni. Kan nitin nuna kan hmuh mai aimaha chiangin hian he thlirna tlang atanga kan thlir phei chuan Pathian min enkawl na hi chiang zawk leh zau zawkin kan hmu thei a ni.

Johana chuan, ‘Amahah chuan nunna a awm; chu nunna chu mihringte ênna a ni a’ (Johana 1:4) tiin a zia a. Pathian chatuan mi nihna chu i ta leh ka ta alo ni ta a, chu chuan nitina kan mamawh nun bul tan thar zelna nghet leh famkim chu min pe a ni. Chu chatuan nunna chu kan ngaihtuah leh hriatthiam phak baka zau leh ropui, tawp thei lo leh tawp chin pawh nei lo a ni.

Isua Kristaah chuan Pathian chu mi zawng zawng hnenah a lokal a. Hun hrang hrangah te, dinhmun hrang hrangah te, hnam hrang hrang zingah te leh hmun hrang hrangah te pawh mi zawng zawng tan nunnaah a rawn chang a ni. A ngilneihna chu kumkhuaa a awm avangin (1 Chronicles 16:32).

Khawvel hmun hrang hrangah hian Isua lokal hmasak emaw alo kal leh hun tur leh a pianna chungchangah hian kohhran ten hun hman dan hrang hrang kan nei a. Keini Swedish ho tihdan chuan, chung hun kan hmanna, Pathianni vawithum naah hian Baptistu Johana chungchang leh Isua lokal lehna tur lam kan hawi thin a ni. Thlaler mi au rawl chuan, ‘Lalpa lamlian sial ula, a kawngte tingil rawh u’ (Luka 3:4).

Kan khawtlangah leh ka thenawm hnai ngeia thlaler awm hi ka ngaihtuah thin a ni. Heng hun hmanga buaina leh ngaihtuah tur tam tak a awm lai hian mite chuan nunna a awm tih hi an hriat a tul. Chu nunna chu mi zawng zawng tan a famkimin a awm a ni. Mi, an dinhmun kan hriatthiam sak loh leh anmahni ngei pawh kan ngainat mi ni lote pawh nise, chu nunna chu an tan pawh a ni. Hringmi lengrual zawng zawng tana eng chu Isua a ni. Mi thim zinga awm leh daikil kara awm mamawh ngawih ngawih tute hnena kal tur leh chu chanchin mawi an hnena thlen tur chuan keimahah hian turtu a nasa hle a ni. Isua avanga nun awmze nei kan neih te, nunchhan ropui tak leh beiseina eng kan neihte hrilh turin turtu a nasa em em a ni. Chhuan zawng zawng tana chatuan thu chu.

Commissioner Eva Klemen

**Tuna ka mimal nun,
dinhmun leh hun tawn mekah hian
engtin nge Isua ka lo pawm?
Thil engpawh danglam tura
duh ka nei em,?
Ka neih chuan....
Chu danglamna thlen tur chuan
eng ruahmanna nge
ka neih?**

Aw Pathian, luhai riauna ka nei a ni. I ngaihdamna te, i thlamuanna te, i enkawlina te, i ngeilneihna chuai ngailo te hi chatuan atan a ni reng em? Mak tiin ka awm a. I nihna a ni nachungin ka tel ve reng em? Chatuan atana pawm thlap, hmangaihna famkima hmangaih, tun hunah hian, Pathian, i hnen ata ka dawng ve mai hi mak tiin ka khat a ni. Midang tu emaw tal hnena he chanchin hriattir ve turin min pui la. Thlaler hmuna i kawng sialtu ni ve turin min tanpui ang che.

Amen.



‘Amahah chuan nunna a awm; chu nunna chu
mihringte ênna a ni a’

Johana 1:4

AMAH CHU ENGKIM SIAMTU A NI

Johana 1:3

‘Engkim a zain ama siam a ni; thilsiam zawng zawng hi ama siam loh engmah a awm lo.’
(Johana 1:3)

Krismas chiang taka ka hriatrengna pakhat chu ka nu nen dawr pakhat kawta kan din laia dawr tukverh lian tak atanga dawr chhunga krismas kaihnawih thil chi hrang hrang an zawrh kan thlir reng tum kha a ni. An thil zawrh hmuhawm tak tak an tar chhuahte chu a hunlaia hmanraw awm ang ang- lekhakhawngte, pawnthem te, thil charna gawm leh thil eng thei tlemte an neihte hmanga siam an ni. Chutiang mai chu nimahse chu dawr tukverh tin atanga han thlir chuan krismas boruakin a ken hlimna te chu an tarlang vek a ni.

Tunlaia kan thilhmuhthe hi chu mak tak tak leh suangtuah fe tham khawp te an ni tawh a, rimawi chi hrang hrang te, eng chi mak tak leh chi hrang hrang te leh khawl thilte an ni tawh a ni. Kum zabi 21-naa thil siamchhuaktute hi chu ngaihtuahna tha tak tak neite leh tihdan hrang hrang duang chhuak thiamte an ni tawh tlat a ni.

Nimahsela, mihring thilsiam engmah hian Pathian themthiamna ne pawh an pha lo. Chanchin Tha Johana zia kah khan thupuan ropui tak kan hmu a, Isua hi khawvel chhandamtu a nih mai bakah engkim siamtu a nih zia kan hmu a ni.

Krismas thuchah ropui tak mai chu siamtu ngei thilsiam a rawn channa hi a ni. Engkim siamtu ngei amah inphah hniama a thilsiamah rawn changin mihringah a rawn chang mai hi thilmak ber mai chu a ni.

Tun Krismas-ah hian Krismas thilpek diktak lawm taka kan pawm tur a awm a, chu chu Isua Krista pianna hi a ni.

Krismas vuak vetah hian Krismas puala tarchhuah leh pho lan te leh cheimawi ropui leh mawi tak takte hlimpui ila; vana arsita siama Isua kaltlanga khawvela nunna min petu leh nun tam min petu lam hawiin Amah hrereng bawh ang u. Dawra thil phochhuah ten kan ngaihtuahna a la peng saltliah ang mai ni lovin, kan chhandamtu leh kan thian a ni tih hriaa ama lam hawi turin engkim siamtu Isua chuan min sawm a ni.

Commissioner Kenneth Maynor

Tun krismas vuakvetah
hian eng lamin nge kan
lung min len?
Kan lung min lentu
hian engangin nge kan
rinna a pholan le?

Lalpa Pathian, chhuan zawng zawng chung a i rinawmna avang hian fakna ka hlan a che. I fapa kaltlanga kan chung a i khawngaihna, i chakna leh i hmangaihna i lantirte hi krismas boruak hian ava pholang chiang em! Min chhanchhuak tura ama thilsiam ngeia changa, hmangaihna pholanna ropui ber Isua lamah ka mitte hi fuk tir tlat ang che.

Amen.



**Tin, thuchah a hnên ata kan hriata in hnêna kan hrilh chhâwn
tûr che u chu hei hi a ni: Pathian chu êng a ni a, amahah chuan
thim rêng rêng a awm lo.
Johana 1:5**

AMAH CHU ENG A NI.

Johana 8:12

In thim taka kan awm a, thawm hriat than loh ri kan hriat hian hrilhhriat hran ngai lovin, chu thawm chian tur leh hmufiah tur chuan eng awmna kan zawng thin a. Eng chuan chu hmun thim chu a ti eng in chiang takin engkim hmufiah thei turin min tanpui thin a ni. Enna chuan himna, chawlhna, finna leh hriatfiahna a tarlang ani.

Eng hian thatna leh mawina bik tak a nei a. Thatnate, dikna leh Thianghlimna a entir a ni. Eng awmnaah chuan nunna a awm thin a. Eng a awm chuan thim a awm thei lo a ni.

Thimna hian khawvel hmun tam tak a luah mek a, bawhchhiatna leh sualna pawh hmuh tur a awm reng a ni. Mihring thinlung hi sual hian chak takin chaponate, rilru ngaihtuahna thianghlim lo tak takte leh thil tha lo chin dawklakna kalsan har tak takte hian min buan reng thin a ni. Amaherawhchu Eng chuan thiltihtheihna neiin, hla tak tak a thleng phak thin a, khawi hmun mah hi eng in a kal tlang theih lo reng a awm lo a ni.

Tin, Isuan an hnenah thu a sawi leh a, “Kei khawvel entu ka ni; tupawh mi zui chu thimah a leng tawp loving a, nunna eng a nei zawk ang,” a ti a. (Johana 8:12)

Isua chu ti eng tu , sual thim ata thim fate lachhuak tu a ni a. A ni chu eng a min hruai a, kan hmabak kawng min en a, min kawhmuhtu a ni. Amah hi a ni, khawvel tana eng chu.

Isua zuitu Thlarau thianghlina chenchilh tawh te chuan chu eng kaltlang chuan kan thusawi leh kan thiltihte hmangin he khawvel thima awm mek te kan en thei ang a, Isua Krista an hmuh a an lo hriat ve theihna turin.

Commissioner John Kumar and Mani Kumari Dasari

**Isua hi Eng ani tih hian hian
I tan awmzia enge a neih? He
eng ropui tak hi engtin nge I
lo hriatfiah? Engtiangin nge
Isua Eng in I nuna thim te a
hnawh bo sak che.?**

Lalpa duhtak, I tihenna hnuaia kal thei tura eng min pek avangin lawmthu kan hrilh a che. Kawngaihtakin, thim ata engah midangte hruai thei turin he eng hi ti eng zual zel thei turin min tanpui ang che. Isua hmingin ka dil e.

Amen.



“Tin, thu chu tisaah a lo chang a, kan zîngah a lo awm ta a.... The New Chrtistian Bible lehlin ah pawh tihian kan hmu Thu chu tisa ah alo chang kan hnenah a lo cheng ta a.”

John 1: 14

AMAH CHU EMMANUELA

John 1:14, Matthaia 1:18-25, Isaiah 7:14 leh II Korinth 9:15

John 1: 14 ah chuan tihian kan hmu a, Tin, thu chu tisaah a lo chang a, kan zingah a lo awm ta a.... The New Chrtistian Bible lehlin ah pawh tihian kan hmu Thu chu tisa ah alo chang kan hnenah a lo cheng ta a.

Kristmas a lo thleng leh ta, lawm tur tam tak kan nei leh ta!

Pathian kan hnenah a awm – Immanuel a ni.

Pathian chu mihringah a lo chang a- Tisa leh thisen in.

Kum 30 chung zet chu he khawvelah mihring angin hun a hmanga, nang leh keiina kan paltlang ang hi a lo paltlang ve vek a ni. Zirtir hmasa te khan amah tak chu hmuin a aw ka ngei atangin a zirtirnaan dawng a ni. Mihring tak a ni a, takna nei lo leh kan hlata awm ngai lo a ni lo va, midantge ngaihsakna nei lo leh biak pawh theih loh a ni lo.

Chatuan atana kan Pathian a ni a, keini mi pangngai ve mai pawhin kan ban phak theih turin mihring ah a lo piang a, nang leh keiin kan paltlang ang hi a paltang vek ani. Chatuan Pathian, mihring ruangam ang mai a kan tun hun hman mek pawha kan khawih theih a ni.

Isua a lo pianna hi kum 100 tam tak kal ta a, Zawlnei Isaia'n a lo hrihlawk a vawrtawp lo thlenna chu ani. Pathian chu mihringah a lo chang a ta!

Kan zavai atan he thilpek ropui tak mai hi hriatthiam a harsa a ni mai thei a. Pathian khawngaihna leh mihringte min hmangaihna thuk tak hi vawilehkhtata lodawnsawn hi thil harsat tak ani.

Vawiin ah pawh hian, mi tam takin Pathian hi tunge a ni tih leh eng ang mi nge a ni tih hi hrethiam tura an beih mek lai hian, a thu kan hriat leh keimahni tawnhriat ngei atangam amah kan rinna hian Isua chu ‘ Heta hi a awm’ tiin Isua kan kawhbmuh thei dawn a ni..

Vawiin Kristmas ni ah hian, hei hi kan hria a ni, Pathian kan hnenah a awm tih thudik chu. Khawi hmun ah pawh awm mah ila, thil engpawh pawh hmachhawn ila, a chenchilhna kan chang reng a ni. Min chhandamtu piancham kan lawm mek lai hian Immanuela, Pathian kan hnena awm renga chu, Tirhkoh Paul an he thu hmanga a lo puan chhuah chu tawmpuiin :

‘A thilpêk sawi hleih theih loh avâng hian Pathian hnênah lâwmthu awm rawh se.’(II Korinth 9:15)

Engtikah mah kan phuloh leh thawhchhuah hauh loh tur thilpek kan dawn a – Pathian hmangaihna thilpek luangliam a van ni em!

Commissioner Wayne Maxwell

Eng kawngin nge Pathian kan hnenah a awmna hian I nunah phurna leh malsawmna a pek che?

Pa Pathian,

Vawiin hian, min Chhandamtu Isua piancham kan lawmnaah Khawvel hmun hrang hranga Kristian kan insuihkhawm a. He khawvelah Mihring anga lo piangin, keimahni mihringte ang ni lovin. He thilpek sawihleihtheih I khawngaihna leh hmangaihna avang hian lawmthu kan hrilh a che. Kan hnenah I awm reng ani tih tih hre thei turin kan nitin nun kan hmanna ah min tanpui la, thil engpawh kan hmachhawm thiam theihna turin I chenchilhna, I chakna leh thiltitheihna min hmuhtir ang che.

Amen.



**SPIRITUAL
LIFE DEVELOPMENT**
INTERNATIONAL HEADQUARTERS

**Mizo version
India Eastern Territory
2024**